

Les plus anciens documents linguistiques de la France
Corpus : (chNCh)
Responsable du corpus : NN
Édition de la charte : Bernadette Gavillet.

chNCh061

Édition critique

1313 (n. st.), 7 février.

Type de document: charte: reconnaissance de fief

Objet: Reconnaissance par Perrin, fils de Varescon de Rosières, de tout ce qu'il tient ligement en fief de Jean de Rosières à Rosières.

Auteur: Official de la cour de Besançon.

Disposant: Perrin, fils de Varescon de Rosières.

Sceau: sceau de la cour de Besançon.

Bénéficiaire: Jean de Rosières.

Rédacteur: Henri de Belvoir.

Support: Parchemin jadis scellé sur simple queue.

Lieu de conservation: AEN, S9 n° 25a.

Transcription de la charte

1 Nos, officiaux de la court de Besançon, **2** façons savoir a-touz **3** que, en la *presence* de *mon* sire Henri de Beavoir, \2 prestre, juré de nostre court de Besançon, a-quel *quant* a-çou nos *commetons et* avons *commis* nostre pouhoir *par* ces pre\3sentes lettres, pour çou *personamant* estaubliz, Perrins, fiz a Vairescon de Roseres, qui fut, ay confessé *et* publiemant \4 recognahu en droit *par* devant lou dit nostre comandemant **4** qu'il aüst hons liges de main *et* de boiche de Jehan \5nin de Roseres, escoier, fil Henri, qui fut, **5** *et* que il tient en fiez liege *et* chasemant *et* doit tenir, il *et* sui hoir, \6 dou devant dit Jehannin, son amey seignour, tout çou qu'il ay, tient, puet avoir *et* doit avoir de son partai\7ge de-part pere *et* de-part mere a-Roseres *et* en tout lou territoire de Roseres, en *quelque* meniere que çou soit, \8 en homes, en maisons, en maix, en prez, en chanps, en chesaux, en *cultiz et* en houches, en tailles, en censes, en forz, \9 en melins, en boix *et* en eaux *et* en toutes autres rantes *et* relevemanz de fruz [que] ^[1] *uez*] **6** Et ai li \10 diz Perrins promis *par* son soiremant sus sainte evvangile doné corporelmant en la main dou dit nostre jurey, \11 qu'il tanray *et* garderai farmemant, por lui *et* por ses hoirz, a-devant dit Jehannin, son seignour, *et* a ses hoirs, \12 la cogue *et* les covenances devant dites, sanz aler *encontre par* lui ne *par* autrui, taisiblemant ne en apert, \13 en court de crestianté ne en court laye; **7** *et* l-an ai obligiez toz ses biens monbles *et* non monbles, *presenz et* a-ve\14nir. **8** Et ai renucié en cest fait li diz Perrins, *par* son soiremant jai doney, a-toutes exceptions *et* aides de droiz, \15 de loys, de chanon, de citiains, de faiz, de costumes, de statuz, d-usaiges de paihis *et* de leux *et* a-toutes \16 autres raisons *et* alleguations que porroiant estre dites *et* opposees *contre* ces presentes lettres *et* a dit Jehan \17nin, son seignour, ou a-ses hoirs,

neure, *et* a-la copie de cest estrumant *et* a-droit *que* dit *que* gener
aux renuncia\18tions ne vaut· **9** Et quant a çou, li diz Perrins ai
submis lui, ses hoirs, touz ses bien mobles *et non* mobles, \19 *pre*
senz *et* avenir, en la juridition de nostre court de Besançon· **10** Et ai
volui de grey li diz Perrins *que* nos \20 a tenir *et* por faire tenir les
choses dessus dites, *que* nos lou *contraingnessiens et* fiessens
contrainre par sentan \21ce de excumeniemant *et par* la caption de
toz ses biens *et* distratiens, s-il estoit deffaillant en tout ou en \22 p
artie des *covenances* devant dites ou en acunes de iceles· **11** En
tesmoignaige de la quel chose, a-la relation \23 dou dit nostre jurey,
nos avons mis lou seel de la dite court de Besançon en ces presentes
lettres· **12** \24 Doné la septiesme Ide de fevrier, l-ant mil trois cenz *et*
douze· **13** H· de Bellovisu·

Notes de transcription

[1] *Effacé.*